



15144

III

Mag. St. Dr.

P

3826 Provo.

Erektion et fundatio Crossensis anno 1720.



I

T  
E

**I**

q  
co  
p  
ru  
q  
n  
se  
in  
o  
fu  
o  
æ  
an  
di





# ERECTIO ET FUNDATIO CROSSENSIS

Anno 1720. 8 Septembr.

15744

IN NOMINE SS. TRINITATIS PA-  
TRIS & FILII & SPIRITUS S. Amen.

THEODORUS POTOCKI, DEI ET APOSTOLICÆ SEDIS GRATIA  
EPISCOPUS VARMIENSIS ET SAMBIENSIS, SACRI ROMANI IM-  
PERII PRINCEPS, TERRARUM PRUSSIÆ PRÆSES.



D perpetuam futuram rei memoriam. Universis & singulis hæcce literas  
Nostras visuris, lecturis, legiq; audituris, aut quibus in præsentī vel fu-  
turo tempore quomodolibet interest, intererit, aut interesse poterit,  
Salutem in Domino sempiternam, & benè, laudabiliter & salubriter  
gesta, ne temporum lapsu oblitterentur, vel evertantur, Scripturæ ad-  
miniculo, posteris sæculis traditione Sanctâ consignando, significamus:  
qualiter rei & Causæ, totiusq; Status circa Ecclesiam & Bona Crossen, eisq; adjuncta &  
connexa, diligenti Indagine documentaliter & fundamentaliter instituta, atq; quodd sic,  
prout sunt facta, gesta & ordinata, ad Majorem Divinum cultum, salutemq; anima-  
rum promovendam tendant, penitus perspicendo, & pro comperto habendo, post-  
quam Clerus Sæcularis Diocesis Varmiensis, seu ex eo aliqui cælitus inspirati, eò  
nomine & fine Bona immobilia, Nobilia Juris Culmensis libera, Crossen, de Consensu  
seu Decreto, piæ Memorix Illustrissimi Prædecessoris Nostri ex manu Sæculorum  
indebitorum Possessorum, in rem Ecclesiæ loci, & suam, ad effectuandam intenti-  
onem piæ defuncti Canonici Cathedralis olim Petri Floriani Kryger, tum piæ de-  
functi Nobilis Friderici Josephi à Melitz, in eisdem Bonis Possessorum Hæreditari-  
orum ibidem vindicassent, & Composito ex parte sua, notabili, ad ea redimenda,  
ære, comparassent, subsequenter quoque de Nostro pariter Consensu & placito eti-  
am conjuncta & sub eodem Privilegio contenta, contigua Bona, Villæ Thaalbach  
dictæ, similis Juris Culmensis libera, jam integra & plena emptionis titulô in Pos-  
sessio-





sessionem recepissent, prout ad præsens in Graniciis & limitibus suis, absque cuiusquam contradictione pacifice possidentur & obtinentur; & quidem Bona Crossen intra Granicies suas favore Ecclesiæ & Cleri Sæcularis Diœcesani prædicti, per Nos & omnes ordines ac Status hujus Diœcesis ab omnibus oneribus Sæcularibus etiam publicis libera & immunia pronunciata fuissent, ac subinde in loco veteris lignæ quercinæ Capellæ in Anno 1599 quondam à Possessore Nobili Jacobo Bartsch ad recipiendum concursus devoti sub protectionem Augustissimæ Virginis DEIPARÆ in authographa ex antiquis temporibus ( prout Erectio Anno 1600, aliis veterioribus scriptis tempore incursionis novæ Sectæ Lutheranæ per ejusdem Sectatorem & Possessorem loci Crossen oblitteratis, sonat ) Miraculis clarâ; suppliciter confugientis Populi extructæ, jam amplior nova murata Ecclesia eidem longè frequentiori populo recipiendo constructa, aliaque ædificia pro Clero accommodando construenda, ac piæ Foundationes ibidem instituendæ disponentur. Nos cupientes ejusmodi opus pium seu opera, quantum ex Nobis opportunis auxiliis, subsidiisq; ac Autoritate Nostra Ordinaria, suffulcire, præmissis literis Citationis seu edicti publici, & ex eis in termino die 20 Martij Anno 1715 Decreto Iudiciali interposito, tum paulò post, die 18 Novembris ejusdem Anni primo lapide Angulari per Nosmetipsos posito, literisq; pro auxiliatrice Manu ad fabricam, typo editis, præhabito quoq; & frequentius repetito cum venerabili Capitulo Nostro Cathedrali consilio, tandem hodie pluribus de eodem gremio præsentibus infra nominatis, auxiliante Domino eandem Ecclesiam plenissimè tam quò ad interiorem fornitem superiorem, & muros calce incrustatos, & decenter dealbatos, quàm deforis, unà cum turribus collateralibus, lamina cuprea tectis, in structura sua completam, sub titulo Visitationis, Augustissimæ Virginis DEIPARENTIS MARIE ac Sancti Iosephi Sponsi ipsius Virginalis, Insimul cum Altari Majori, & cæmeterio consecravimus & dedicavimus, die Anniversaria Dedicationis ad proximè subsequentem generalem totius Diœcesis Ecclesiarum dedicationem, Dominica post festum Sancti Michaelis proxima relatò & designatò. Cujus Ecclesiæ regimen, ex intentione Nostra, & omnium, bona sua eidem conferentium, ac votis populi, (cum Diœcesis hæc parva alioquin religiosi locis abundet) nemo alius ullo unquam tempore consequi & obtinere debet, sub interminatione Divini Iudicii, quàm unicè Clerus Sæcularis de Indigenis hujus Diœcesis, sub nomine aggregationis Sacerdotum; qui animo ibidem perseverandi ad vitæ tempora, de eoq; pro salute sua & pro posse suo, sponte & libere, etiam animabus Christi fidelium eundem locum visitantium, inserviendi, sua bona illuc conferant, & post obitum suum ejdem loco relinquunt, sobriam, piam pacificam, justam & exemplarem vitam ducendo, sub directione Domini Archipresbyteri loci pro tempore existentis, qui quoniam Clericus Clericum non decimat, titulo oblatoium & subsidii Spiritualis in confessionibus Pœnitentium audiendis contentus erit annuatim pensione centum marcarum & honore ac libertate, quòd se eidem aggregationi incorporare valeat ac in casum decessûs senioris Sacerdotis seu præpositi, eundem locum & titulum obtinere, ita ut alias, DD. Archipresbyteri in res œconomicas ejusdem Cleri & Loci se prorsus non immisceant, nec eas conturbent. Penes quem Sacerdotem seniore faculta erit veteranos Parochos Diœcesanos tam Episcopalis, quàm Capitularis Ditionis, qui se se ad beatè terminandam vitam hiece voluerint aggregare, vel alios bonos operarios de Clero Sæculari recipiendi in vineam Domini; mensâ poterunt ad placitum, vel communi uti, vel si quis valetudinarius, in cubiculo suo refici. In quantum proventus prædiales mensæ & sustentationi hujusmodi, frugali non suffecerint, vel quæ quis intulit subsidia, absumpta fuerint, tunc ex oblationibus poterunt peti, quæ fuerint necessaria pro victu & amictu more religiosorum, arbitrio Senioris seu Præpositi, cujus in hoc conscientia oneratur, ne quem excessum in hoc committat vel permittat; salvâ, quantum opportunum censuerit, hospitalitate frugali; superflue oblationum pecuniæ vel ad decorem Ecclesiæ & conserva-



servationem expenduntur, vel in censum reemptitium elocabuntur; Benedictiones  
 quasvis ex Rituali Romano sive publicas sive privatas ejusdem Loci Clerus per-  
 agere poterit, uti & depositiones ac funera, exequias, Anniversaria, tricesimas, per-  
 sonarum Sacerdotalium, Clericorum & Incolarum ejusdem loci, prout & Domestico-  
 rum ac inservientium peragere: Aliorum verò extraneorum, qui ibi sepeliri affe-  
 ctarent, non nisi de licentia DD. Archipresbyteri Loci, & salvâ ipsi quartâ  
 funerali. Qui idem Archipresbyter ibidem etiam alia Sacramenta Baptismi &  
 Matrimonii pro casu incidenti per se vel delegatum Sacerdotem, servato ritu  
 Ecclesiæ, vel Sancti Concilii Tridentini præscripto, administrare valebit.  
 Oleum infirmorum ad usum Sacerdotii & Incolarum loci in Ecclesia, competenti lo-  
 co conservabitur. Accidentia funeralia, offertoria, & cerei, ac quæcunq; alia tali oc-  
 casione, adhibita, Ecclesiæ cedant loci. Talis Instituti supra expressi Sacerdotes sæcu-  
 lares ad præsens sunt hi inscripti, & residentes, Primus Gaspar Simonis ex Archi-  
 presbyter Vormd. cui ad subsidium fabricæ contulimus nuper vicinum Canonicatum  
 Gutsdiensem cum Residentia, utpotè qui utriusq; Loci obsequio probe & utiliter  
 satisfacere valeat; Secundus Paulus Adalbertus Knobloch ex Parochus Megenensis.  
 Tertio Andreas Peltz Annosus Sacerdos, Capellanus loci. Quartus Michaël Matthæus  
 Lamprecht Sacerdos noviter in provisionem hujus Ecclesiæ ordinatus; nam pro  
 pluribus adhuc desunt mansiones. Foundationes seu obligationes missales extant hæ:  
 Prima ex erectione anni 1600 Missæ duodecim per annum, seu quovis mense una:  
 Secunda ex Foundatione R. Pauli Knobloch prædicti, una missa hebdomadatim votiva  
 vel de S. Iosepho Nutritio Domini, vel Commemorationis Beatæ Virginis de Monte  
 Carmeli pro Confraternitate S. Scapularis. Tertia Friderici Iosephi Melitz, duæ  
 Missæ hebdomadatim unius de Beata Virgine, alterius de Requiem pro Familia Me-  
 litiana. Quarta ejusdem Melitz post fata ipsius Agnatæ Virginis Iustinae Attinska,  
 quæ advitalicio Iure, decem Mansorum hic in Crossen usufructu potitur, seu pensione  
 condictâ, 300 florenorum. Quinta Guldensterniana trium Missarum hebdomadatim,  
 quæ vel in Crossen etiam aliquæ, vel pro opportunitate in Ecclesia Vormditenfi ab-  
 solvi poterunt. Privilegia & libertates tam Bonorum Crossen cum Mola, quam Thal-  
 bach Iure Culmensi libero confirmamus. Iuribus Mensæ Nostræ Episcopalis salvis,  
 videlicet aratralium nomine de quovis aratro unam mensuram siliginis & unam  
 avenæ, id est, de Bonis Thalbach siliginis Modios septem, Avenæ Modios septem;  
 De Bonis Crossen siliginis Modios quatuor absq; una quarta & Avenæ totidem, atq;  
 una libra Cerae, velut duntaxat in tenore Privilegij notatur, tum de Mola Marcas  
 duas, nam à servitijs militaribus, quæ à longissimo tempore hinc non fuerunt in usu,  
 intuitu continui obsequii Ecclesiæ, prorsus liberamus. Scultetus à Possessore Bono-  
 rum Crossen assertum Privilegium primæ locationis Villæ obtinens Ecclesiæ inserviet,  
 & omnimodè Clero Loci subiectus erit, præstando, tam quæ in prima locatione  
 Villæ præscripta sunt, quam quæ aliarum villarum Ditionis Episcopalis sculteti officio  
 Castri præstare solent & debent, aut per Æquivalentia. Et quoniam Bona Crossen  
 penuriâ lignorum laborant, atq; cum plurium Sacerdotum accessu, ad focum &  
 fornaces provisio lignorum sit necessaria, concedimus, quatenus ex Sylvis Nostris  
 Episcopalibus tam vicinioribus, quam remotioribus, arida vel jacentia ligna, ac trun-  
 cos & stipites, nullatenus autem viridia & ædificijs apta, æstate & hyeme secare, col-  
 ligere, conveyere & evehere valeant; cæteris in Privilegio contentis in suo robore  
 manentibus. Et sic nos præmissa Omnia & singula, præsentium per tenorem, Au-  
 thoritate Nosta ratificamus, confirmamus, stabilimus, ac perpetuitatis robur adjici-  
 mus, & Erectionis titulo perenniter adscribimus, Summas quoque Capitales cum  
 censibus quasvis etiam in futurum accrescentes, nec non fundos & Bona ad ean-  
 dem Ecclesiam immediatè spectantia, uti jam alias factum, immunitati atque liber-  
 tati Ecclesiasticæ inscribimus & incorporamus omni meliori modo. Promittentes  
 pro Nobis & Successoribus Nostris Eundem locum & Clerum sub Protectionis



Nostre brachio & tutamine æternæ retributionis intuitu, fovere & manu tenere; Actui Consecrationis & Erectionis Ecclesiæ Præsentes adfuerunt de Gremio Venerabilis Capituli Nostri Cathedralis Varmiensis, PP. DD. Bernardus Theodorus Liber Baro de Schenck Decanus, Michaël Remigius Łaszewski Custos, Franciscus Fridericus Janwicz Cantor, Matthias Sołtyk Decanus Culmenfis Canonici Varmiensis, atq; Georgius Fridericus Liber Baro de Königshek, Godefridus Henricus Liber Baro de Eilenburg, Remigius Czarlinski Canonici Varmiensis, de Capitulo Ecclesiæ Collegiæ Guttstadiensis, Joannes Chrysostomus Rogalli Cancellarius Noster, Joannes Adalbertus Heinigk, Caspar Simonis Canonici Guttstadienses, tum & Illustris Joannes Michaël Braun Archipresbyter Vormditenfis, aliq; Parochi Vicini, tam ex Meelsaccensi, quàm Vormditenfi Archipresbyteratibus, cum reliquo Clero assistente. In quorum fidem præsentes Manu Nostra subscriptas, Sigillo Nostro communiri iussimus. Datt. In Crossen Anno Domini Millesimo Septingentesimo Vigesimo, die Festo Nativitatis Beatissimæ Virginis MARIE, octavâ Septembris, quæ erat Dominica XVI. post Pentecosten.

## THEODORUS EPISCOPUS (L.S.)

JOANNES CHRYSOSTOMUS ROGALLI  
VARSAVIENSIS ET GUTTSTADIENSIS CANONICUS, SUE ILLU-  
STRISSIMÆ CELSITUDINIS CANCELLARIUS, SACRÆ REGIÆ MA-  
JESTATIS SECRETARIUS. mpp.





re-  
niò  
do-  
an-  
cus  
en-  
Ca-  
rio  
um  
chi  
uo  
No-  
mo  
ris,

cu-  
a-

Biblioteka Jagiellońska



stdr0024633



